

公事矣但異種之類不可使男婚女嫁滋蔓於我疆且野人今皆被囚
未必知我國邊事予意欲姑囚以待贖還若終未贖還則欲皆放還本
土此何如其令政府議啓○壬寅臺諫啓前事不允○以黃孝獻為江
原道觀察使史臣曰孝獻士林之望時輩之所深許者恒為侍從頃雖
為親乞縣其實見時議不諧側目者多知其必敗而先為避禍之地而
求補外者也後果不與於敗孝獻尹金孫之女婿也金孫之子自任與
其女婿奇遵及孝獻俱登第楊顯為一時之最及己卯之變自任奇遵
俱敗獨孝獻竟得保金孫神之○江原道旌善等郡有虫○癸卯 御
夕講○臺諫啓前事不允○日暈○夜乾方有氣如火○全羅道癘疫
物故入摠一百四十二咸鏡道自三月至四月癘疫物故入摠五百八
十○甲辰司諫院大司諫南世準等啓曰宋千同犯奔競事臣等初欲
啓達而恐是黃允峻族親故不果其後詳聞則惠不干族親故請推耳
今聞刑曹以宋千同為黃允峻四十家婢夫而請勿論自 上依啓命
勿推是刑曹以臣等所啓為不實而啓之自 上亦以為不實而命勿
推也臣等在職未安敢辭傳曰前於經筵諫院以為宋千同非黃允峻
族親而出入其家請以奔競罪之云犯奔競者自有其律故命推之耳